

Mendira herritik irten gabe

Mendiz inguratuta dagoen herria da gurea eta horrek, moduren batean edo bestean, areagotu egiten du mendiarekiko zaletasuna ermuarren artean. Afizio horren poderioz sortu zen Artarrai Mendi Taldea eta, urte osoan zehar mendian ekintzak egiteaz gain, mendia herrira ekartzen du talde honek. Aurten, 14. aldiz, Mendiko Kultur-Kirol Jardunaldiak eskainiko ditu Artarraik, mendia kalera hurbilduz.

“Behin, Juan Vallejo mendizaleak esan zigun, ‘zuek bezalako mendi talde gutxi dago bizirik’, eta hori kontutan hartuta, gure apaltasunean, mendiaren inguruko jardunaldi polita eskaintzen saiatzen gara”. David Elejalderen hitzak dira horiek, Artarrai Mendi Taldeko kidearenak. Iaz bere gain hartu zuen jardunaldiak antolatzeke ardura, baina aurten taldeko beste kide batzuekin elkarbanatu du lana. “Bakoitzak arlo bat landu du eta ondo moldatu gara horrela”.

Irailaren 30ean emango zaie hasiera XIV. Mendiko Kultur-Kirol Jardunaldiei eta urriaren 20an amaituko dira. “Lehen astebetean egiten genuen dena, nahiko konprimatuta, eta jendea ezin zen ekintza guztietara joan. Orain aukera gehiago dago”, dio Elejaldek. Mendia herriari zabaltzea da jardunaldien helburua, ez baitute honenkin “dirua irabazteko asmorik”.

Mendian hasiko dira mendi jardunaldiak. Non bestela? Castro Valnerara irteera egingo da irailaren 30ean. 7:30-8:00ak inguruan irtengo dira, eta Kantabria eta Burgos aldean dagoen 1.718 metroko mendira joko dute. Baina ez da jardunaldietan zehar

egingo den irteera bakarra. Izan ere, urriaren 12tik 15era Jaca (Aragoi) ingurura txangoa antolatuta da, nahiz eta oraindik ez duten erabaki zein mendi igoko duten. Mendiko irteera hauetara joan nahi izanez gero, Artarrairen bulegoan eman daiteke izena ostegunetan 19:30etatik 20:30etara; eta taldearekin kontaktuan jarri edo bestelako informazioa jasotzeko, artarraie@euskalnet.net da helbide elektronikoa.

Ikus-entzunezkoak eta hitzaldiak

Lur Basterretxeak ‘Kari-bu Tanzania’ ikus-entzunezkoa aurkeztuko du urriaren 3an 19:00etan Lobianon. “Tanzaniako bizitza ekarriko du gurera, ez bakarrik han igotako mendiak”. Bertan denbora egin zuen Elorrioko mendizaleak eta Tanzaniako jendearekin bizitakoa kontatuko du, Kilimanjarora egin zuen igoeraz gain. “Hara igo zen han zegoelako, ez hemendik bertara apropos egindako espedizioa egin zuelako”, argitzen du Elejaldek.

Orain dela bi urte Artarraik Ermuko Zineklubarekin bat egin zuen Mendiko Kultur-Jardunaldietan eta, lotura horren ondorioz, aurten ere mendiarekin zerikusia duen pelikula bat

XIV MENDIKO KULTUR-KIROL JARDUNALDIK 2017
JORNADAS DEPORTIVO CULTURALES DE MONTAÑA

HITZALDIK ETA DIAPORAMAK
CHARLAS Y AUDIOVISUALES

Lobiano Kultur etxean 19:00
URRIAK 3 OCTUBRE: KARI-BU TANZANIA por Lur Basterretxea
URRIAK 10 OCTUBRE: METEOROLOGIA por Joseba Areitio
URRIAK 20 OCTUBRE: ANALISIS DEL FRACASO por Alberto Iñurrategi

MENDI IRTEERAK
SALIDAS

IRAILAK 30 SEPTIEMBRE: CASTROVALNERA
URRIAK 12-15 OCTUBRE: JACANIA

Ermua Antzokian - Pelicula 20:30
URRIAK 5 OCTUBRE: MERU - Odisea en el Himalaya
con la colaboración de Mundodroget

EU/PAU MENDIZALE FEDERAZIOA
ATLANTARREKOTU DE ERRIKIA
JORDAN KOLA

eskainiko da. ‘Meru’ izango da urriaren 5ean 20:30ean eskainiko den filma eta izen hori daukan mendian kokatzen da. Indiako iparraldean dago Meru, eta Jimmy Chin eta Elisabeth Chai Vasarhelyi zuzendariek mendi horren ‘tiburoi hegalarren’ iguera hartu dute filma egiteko ardatz moduan.

Zinearen ostean, urriaren 10ean meteorologiari buruzko hitzaldia eskainiko du Joseba Areitio 19:00etan Lobianon. “Menditik at dagoen, baina mendiarekin zerikusia duen gai bat ekarri nahi izan dugu, mendizaleak prestatzeko”, dio Elejaldek. “Mendian sartuta zaudenean eguraldi aldaketak izan daitezke eta ondo dago meteorologiaren inguruan ezagutzak

edukitzea”, zehazten du.

Jardunaldiei amaiera emateko, mendizaleen artean erreferentea den Alberto Iñurrategi izango da. 8.000 metrotik gorako hamalau mendiak igo dituen munduko 10. mendizalea izan da Iñurrategi, baina horrez gain, mendian ari-tzeko duen filosofia da bere irudia are gehiago handitzen duena. Aretxabale-takoak ‘Porrotaren analisia’ izenburua duen hitzaldia eskainiko du urriaren 20an 19:00etan Lobianon. “Espero dugu jendea etortzea, oso hitzaldi interesgarria izango delako, are gehiago Iñurrategiren ahotan”, adierazten du Elejaldek. Inolaz ere, ibilbide gozoa da Artarraik aste hauetan eskaintzen duena.

Ekhi Velar